



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. Saulo fidei, Eunicho baptismi gratia quām insperatō oblata?

urn:nbn:de:hbz:466:1-45653

rum, in vanum laborauerunt, qui edificant eam. Hic messor plus cessando messuit, quam alij, vsque ad occasum solem, se defatigando. Discite, mortales, inter vera & vana auxilia, discrimen facere. Nolite vobis promittere à mandragoris pecunias; non fert ea radix nummos. Nolite effodere thesauros, quos atri custodiunt canes. Cerberus, non Deus; Gryphes, non Coelites, habitant in illis hypogaeis. Nolite animam vestram vendere tribus Philippais, Christum triginta argenteis. Non dat Orcus opes, quibus ditescatis. Cum putaueritis vos habere crumenam ære, grauem, carbones thesaurus erunt; & sæpius stercora, quam nimis mата colligetis. Denique, quando nihil acceperitis, cum Pluto, Plutonem estis adoraturi. Deum colite, ille aurum creavit. Ille, cum nemo iuuerit, ditabit. Ille & diuinam virgulam, & auream, sed castam, pluviā potest ē cœlo mittere. Ab illo, tanquam sponsæ, arrham accepistis, quidquid habetis. Cauē, homo, ne de tua anima sit illa querela: *Et hac nesciuit, quia ego dedi ei frumentum, & vinum, & oleum, & argentum multiplicavi ei, & aurum, quæ fecerunt Baal, quasi dæmonis, non Numinis dona; ab Inferis, non à Superis impetranda.* Si qua re indiges, Patrem adi, non hostem apud quem, qui volunt diuites fieri, incident in tentationem, & in laqueum diaboli. Hinc tam multi, ob amissam vnicam vaccam, aut leue damnum, seipso suspendunt: verè enim in laqueum diaboli incident, quem illis tetendit.

Osee. 2.8.

1. Tim. 6.9.

C A P V T X I V .

Diuine bonitatis iudicia, in Sacramento Baptismi & Confirmationis gratiaq; diuina, mirabiliter suppeditatis.

I.



Vōd si, iudicio Dei, à pecunijs alijsq; terrenis bonis homines desertissimi tantam habent compensationem, ut vel diuinitus pecuniā iuuentur, vel alia accipient bona pecunijs longè præstantiora: quid elegenti non erit sperandum de cœlestibus thesauris? Inter quos est diuina à Christo promanans gratia, quæ minimè opinantibus atque etiam haud merentibus sæpe affulget & datur; diuinaque Sacraenta, quæ mirabili prouidentia instituta, mirabili-

biliore modo nonnunquam hominibus offeruntur. Nempe non-
minùsmenti, quām corpori mortalium iudicat prospiciendum.
Deus, qui sāpē illa occasione aut ratione adest, qua minimè puta-
uisses. Ita ex Saulo Paulum fecit, quando eum Ecclesiam disci-
pulosque Christi flagrantissimè persequenterem, ipsa cæcitate oculorum, illuminauit. Ibat spirans minarum & cædis in discipulos Do- Act. 9. 1.
mini: & subite circumfulsit eum lux de cœlo. Ita vir Æthiops Eunu- Act. 8. 27.
chus, potens Candacis reginae Æthiopum, à Philippo, in fide, eruditur
insperatō. Mittitur ab Angelo Philippus ad viam, quæ descendit ab
Ierusalem in Gazam, & nec dum ipse scit, cur mittatur. Mittitur &
ad currum, in quo sedebat Eunuchus. Occurrit locus opportu-
nissimus Isaiae, de Christi Passione, prophetantis: occurrit & aqua:
denique & ipsi Eunucho occurrit, vt diceret: Ecce aqua, quid pro-
hibet me baptizari? Ad hunc modum lauit Æthiopem, sed utili-
ter, Deus, nihil minùs, quām de hoc lauacro cogitantem, cum-
dono exijsset. Sed tamen Saulus, quando in mala via iter facie-
bat; Æthiops, cum Deum quæsiuit, conuersus est. Vnde admi-
randa Dei iudicia se se aperiunt, qui & sequentibus, & persequen-
tibus venit obuius ad auxiliandum.

Id autem quod Eunicho baptizato, Pauloque conuerso
euenit, in omnibus Sacramentis contigisse, potest ostendi. Nam
in primis de aqua etiam diuinitus ad baptismum oblata, illud re-
fert Baronius. Cum An. Christi sexagesimo octauo S. Petrus Apo-
stolus in carcerem Mamertinum missus à Processo & Martiniano
militibus assuaretur, ipsos suos hos custodes ad Christi fidem ad-
duxit. Iam crediderant, sed defuit aqua baptismo necessaria. Non
defuit ergo Deus. Exemplò, quasi saxo vena esset secta, ita, in vi-
cem sanguinis, fons erupit: qua aqua Processum & Martinianum
tinxit Petrus. Nemo loco diffidat, qui Deo fudit. Nusquam & nun-
quam illi deest, quod prodest: quoisque mortalium iudicia sāpē-
abieciissimos ne pistrino quidem dignos censem, eos diuinus ocu-
lus ex persecutoribus Apostolos, ex lictoribus martyres, denique
ex nigris candidos facit atque cœli candidatos.

Stupendum eiusmodi Dei iudicium fit manifestum, etiam
ex alia, commemoratione, digna historia, quam, sub Paulo Episco-
po Alexandrino, circa annum Domini quingentesimum trigesimum
septimum contigisse, in Prato spirituali, his verbis legimus. Nar- Prato spirit.
rat nobis (inquit Ioannes Moscus cognomento Euiratus) Abbas cap. 207.

II.

Baron.t. 1.
An. 68. &
Thom. Boz.
lib. 1. de sig.
Eccles.c. 16.

III.